

5. oktober 2006

UKA 2006/36

**Meeqqanik inuusuttunillu ikiorsiisarneq pillugu Inatsisartut peqqussutaanut  
allannguutissatut siunnersuut**

**pillugu**

**Inatsisartut Ilaqutariinnermut Ataatsimiititaliaata**

**ISUMALIUTISSIISSUTAA**

**siunnersuutip aappassaaneerneqarnerani saqqummiunneqartoq**

Inatsisartut Ilaqutariinnermut Ataatsimiititaliaat suliarinninnermini ukuningga  
inuttaqarpoq:

Inatsisartunut ilaasortaq Agathe Fontain, Inuit Ataqtigiit (siulittaasoq)  
Inatsisartunut ilaasortaq Thomas Kristensen, Atassut (siulittaasup tullia)  
Inatsisartunut ilaasortaq Agnethe Davidsen, Siumut  
Inatsisartunut ilaasortaq Tommy Maru, Siumut  
Inatsisartunut ilaasortaq Astrid Fleischer Rex, Demokraatit

Inatsisartut Ilaqutariinnermut Ataatsimiititaliaata ulloq 22. September 2006-imi  
siunnersuummik siullermeerinnerup kingorna siunnersuut oqaaseqaatitai  
ilangullugit misissuataarpaa.

**Tusarniaaneq pillugu akissutit**

Siunnersuutip ilusiligaanera pissutigalugu allannguutissatut siunnersuut  
tusarniaassutigineqarsimangimmat Ilaqutariinnermut Ataatsimiititaliap tusaatissatut  
tiguva.

**Siunnersuut pillugu**

Angajoqqaarsianut atugassarititaasut sukumiinerusumik  
malittarisassiuussisoqarnissaannut Naalakkersuisut ersarissumik  
piginnaatinneqarnissaat siunnersuummi siunertarineqarpoq.

Angajoqqaarsiaasartut meerarsianut kaasarfimmiuinik atisarsiutinullu  
akiliuteqartarnerannut tunngavissiinnisaaq peqqussutip allanngortinneqarnissaatut

siunnersuutikkut qularnarunnaarsinneqarnissaa siunnersuummut oqaaseqaatini  
erseqqissarneqarpoq.

Taama naatsumik oqaaseqarluni siunnersuut ilusimisut iluseqartoq  
taperserneqassasoq, siunnersuullu ataatsimiititaliamut ingerlateqqinnagu  
pingajussaaneerneqassasoq Ilaqutariinnermut Ataatsimiititaliap isumaqatigiittup  
inassutigaa.

Agathe Fontain  
Siulittaasoq

Thomas Kristensen

Agnethe Davidsen

Tommy Maru

Astrid Fleischer Rex